

সংবাদ

018

তারিখ ... ৩০/১০/৪৪ ...  
পৃষ্ঠা ... ৩ ... কলাম ... ০ ...

## গরীব মেধাবী ছাত্রদের জন্য সুদমুক্ত শিক্ষা ঋণ

(বিশেষ প্রতিনিধি)

শিক্ষা ঋণ প্রকল্পের অধীনে সোনালী ব্যাংক প্রথম বছরে ৫ হাজার শিক্ষার্থীকে ৩ কোটি ৬০ লাখ টাকা সুদবিহীন ঋণ প্রদান করবে। অর্থ মন্ত্রণালয় ইতিমধ্যে এ প্রকল্প অনুমোদন করেছে। আগামী এক সপ্তাহের মধ্যে মন্ত্রিসভা থেকে এ প্রকল্পের অনুমোদন পাওয়া যাবে বলে আশা করা হচ্ছে।

এ প্রকল্পের অধীনে আগামী ৩০শে নভেম্বরের মধ্যে সংশ্লিষ্ট বিশ্ববিদ্যালয় ও কলেজের স্ব স্ব বিভাগের মাধ্যমে নির্ধারিত ফরমে প্রার্থীদেরকে সোনালী ব্যাংকের নির্দিষ্ট ১৮টি শাখায় আবেদন করতে হবে।

প্রত্যেক প্রার্থীকে সর্বোচ্চ মাসিক ৬শ' টাকা করে ঋণ দেয়া হবে। ৪ থেকে ৫ বছর শিক্ষাকালীন সময়ের জন্য সুদমুক্ত এ ঋণ দেয়া হবে। প্রার্থীদেরকে দেশের কোন বিশ্ববিদ্যালয়, মেডিক্যাল কলেজ, কৃষি কলেজ, ইঞ্জিনিয়ারিং কলেজ ও টেক্সটাইল কলেজের ছাত্র হতে হবে। প্রার্থীকে এস, এম, সি ও এইচ, এস, সি উভয় পরীক্ষায় প্রথম বিভাগে উত্তীর্ণ হতে হবে। জেলা শহর-বহির্ভূত পল্লী অঞ্চলের শিক্ষা প্রতিষ্ঠান থেকে এইচ, এম, সি পরীক্ষায় প্রথম বিভাগ এবং এস, এম, সি পরীক্ষায় দ্বিতীয় বিভাগে উত্তীর্ণ ছাত্ররাও যোগ্য বলে বিবেচিত হবে। বিজ্ঞান গুণপে উত্তীর্ণ প্রার্থীদেরকে উচ্চ মাধ্যমিক পরীক্ষায় কমপক্ষে শতকরা ৭০ ভাগ নম্বর পেতে হবে। মানবিক ও বাণিজ্য গুণপে উত্তীর্ণ প্রার্থীদেরকে উচ্চ মাধ্যমিক পরীক্ষায় কমপক্ষে শতকরা ৬০ ভাগ নম্বর পেতে হবে। আর্থিক সামর্থ্যহীন কোন মেধাবী ছাত্র উপরোক্ত শর্তাবলী পূরণে সমর্থ না হলেও পরবর্তীকালে বিশ্ববিদ্যালয়ের যেকোন কন্সিডারেশন পরীক্ষায় প্রথম শ্রেণী বা যান অর্জন করতে পারলে এ ঋণ পাওয়ার জন্য উপযুক্ত বলে বিবেচিত হবে। প্রার্থীর অভিভাবকের বার্ষিক আয় ৩০ হাজার টাকার বেশী হবে না।